

TALETSO GO BOGOSI JWA MORENA

Taletso ya Modimo go batho botlhe ke gore ba nne legae kgotsa ntlo ya Modimo Ntate, Morwa le Mowa le gore banne monyadiwa yo o ipaakanyeditseng go boa gape ga Monyadi o montle e bong Jeso keresete. (johane 13;15, Baefeso 2;5, Tshenolo 19;7). Fa re akanya ka go tshela le keresete re akanya sena e le eng?

Ke tumelo, ke kamano le lenyalo!

Modimo o a ikuela go rona , a re ; “ke nale batshepegi le tshepo. Fa le ka nna le nna mme la nkitse gore ke mang , le tla fitlhela go sena yo mongwe gape yo o leng matshwenedi , yo o lekanang le nna . Ga go sepe gape se se tla gapang pelo tsa lona jaaka nna nka dira ka gonne ke le bopile gore le nne le nna. Dilo di le dintsi di le fapositse , fela fa le ka tsamaya le nna le tla lemoga se botshelo bo tshwanetseng go nna sona. Mme re tla nyalana ka jalo ipaakanye monyadiwa”.

Go tloga tshimologong ya nako taletso ena e dirile gore matshwititshwiti a batho a tle go Morena. Taletso ena e tswelletse go nna taletso ya Modimo go rona. Ke ona morero wa morena gore re nne le botsalano le ena. Sena gase thuto ya mongwe kgotsa ya sengwe se se tswang kwa kontle. mme ke kgogelo le taletso ya yo o phelang ka fa gare ga rona.

Ke fa rona re leba se morena a leng sona , mme re be re re “ga nkitla re phela ka fa ntle ga gago. Ebile gape ga ke batle go phela ka ntle ga seo se botlhwakwa go ena. Ga ke lore go phela kwa ntle ga thato ya morena ka botshelo ba me, ke batla go latela kwana ya Modimo gotlhe kwa a yang teng.

Se morena a se batlang ka botshelo ba me ka se mo neela ebile ke a se amogela. Morena ke borotho ba botshelo jwa me. Go ena ke bona nonofalo le kgora. Ke setshwantsho sa boeteledipele , botho, maitshwarelo le kutlwebotlhoko, Se nka se kgoneng go phela ka ntle go sona. Ke batla go mmona matleng, ke batla go mmona mathateng, ke batla go bona mosa wa gawe. Ke batla go bona lerato le kutlwebotlhoko ya gagawe, ke batla go mmona go feta mafoko, gape ke batla GO NNA LE ENA!

Ke batla go utlwa lentswe la gagwe le tsotlhe tse a di buang. Ga ke batle go nna kgakala le ena botshelo jwa me botlhe. Jeso o nale mekgwa eno yotlhe , Morena ke botlhale jo bo phelang , o botlhale go gaisa mafoko. Ke Morena wa rona , ke Jeso. Seno gase selo sa ditoro. Ga se motlotlo ka modingwana yo o tlhodileng lefatshe yo o nnang mo setulong se se sweu. Ke ka ga motho yo o leng Jeso keresete le Papa wa gagwe yo o busang tsotlhe le botlhe. Fa re ka mmatla re ka mmona. Ga go sana nako ya go mo gana. Bothata ntse e le go tlhoka keletso ya go tlogela tsotlhe mo matsogong a gagwe a a nang le bokgoni le lerato.

Botshepegi ba gagwe bo gaisa tumelo ya rona. Fela ga nke re mo atamela go bona sena , ka gore re dira dilo dile dintsi go sa nne le nako. Re tletse boikgantsho le bopelotshetlha., gare dire nako go e naya morena. Gore a re bontshe botho ba gagwe , gore a re kgatlhe e bile a re gogele go ena. Ntate wa itsi fa re dira nako ya go nna le ena le Morwa wa gagwe, o tla re bontsha mokgwa le botho ba gagwe ka tsele e e leng gore re tla palelwa ke go mo gana. Mokgwa wa botho ba gagwe o wa makatsa e bile wa kgatlhisa. Go nna le ena , go tsamaya le ena, go tla dira gore ke tlogle tse dintsi tse di re gogelang morago.

Ke Morena Jeso o re laletsa go tla go tsamaya le ena.

O tla go makatsa ka mokgwa wa gagwe o montle wa wa botho , lerato, kutlwelobotlhoko, le tshwarelo e e sa feleng. O tla bona setshego se se mo molomong wa gagwe mme wa bona kgalalelo e e tletseng mo matlhong a gagwe. O tla bona ka mokgwa o phefo e fokang moriri wa gagwe ka teng. O tla bona setshego se se mo molomong wa gagwe mme wa bona kgalalelo e e tletseng mo matlhong a gagwe. O tla bona dilo tse di ntsi tse di isang kwa lefatsheng le lengwe go go senang nako.(Tshenolo11,12-18). O tla bona ketopele le matla a gagwe. O tla bona le mokgwa yo a sa rateng sebe e bile a na le karabo go sebe. O tla bona gore o nale kitso e e tsepameng ya gore botshelo bo tshwanetse go nna jang. O tla utlwa boteng jwa setshego sa gagawe gape o tla utlwa mofuthu wa lerato la gagwe. Tlanya o mo sale morago. O tla go bontsha ketopele . O tla go bontsha matla. O tla go bontsha botho jo bo sa tshikinyegeng mme a go makatse ka mokgwa wa gagwe o montle.

Se o se tla go dira gore o tsamaye le ena ka gonne go siame e bile go sireletsegile kwa leng teng. O tla go bontsha lerato le botho bo bo tla fitlhelelang pelo ya gago le botshelo jwa gago. Fa o ka tla go ena mme wa ineela, mmele , pelo le mowa le botshelo jwa gago jotlhe , le tsela tsa gago tsotlhe , o tla go tlhatswa mme a go phephafatsa, mme a tsenya mowa wa gagwe mo go wena. Mme o tla go bontsha ditaemane le di gauta le tshotlhe tse di ntsi mo go wena. O tla ntsha tsotlhe mme a go dira kgosi kgotsa kgosigadi.

O batla go aga sesole sa balatedi, fela sena ga se kgang ya dikwalo le tumelo e e rileng; “Ntshale morago, go seng jalo o tla ya diheleng”. Seo e ka tswa e le nnete fela ga se seo Jeso a tletseng go se bontsha barutwana ba gagwe. A o nagana gore barutwana ba Jeso ba ne ba mo latela ka ntlha ya gore o ne a ba supa ka monwanwa a ba tshosetsa gore fa ba sa mo latele batla ya diheleng? A o gopola dikwalo dingwe tse di tlhalosang seo? A ke sona se a neng a se dira fa a ne a rapela RARA bosigo botlhe? A o ne a re: “RARA, mpontshe se ke tshwanetseng go se bua”, fa a fetsa a be a re, “Iona barutwana, ntshaleng morago, go se nne jalo le tla ya diheleng”? Nyaa! Ba ne ba mo latela, ka ntlha ya gore ba lemogile sengwe ka ena se se farologaneng. Ba bone botlhale, botho le bopeloleele ba gagwe. Ba bone ketapele ya gagwe e e matla le botho jo bo sa tshikinyegeng. Go ena, ba bone mong yo o kgonang go rwala mathata a botshelo, mme a itsetlegile ka setshego mo sefatlhegong, a tletse phenyo mo matlhong.

Ba ne ba bona seo, mme ba eletsa go tshwana le ena- ba ne ba batla go tsamaya le ena, ba ne ba itlhopela go sa tsamaele gope, mme go nna letlhakoreng la gagwe (Matheo 4:19.22, Johane 6:68, Ditiro 3:19.20, Ditiro 5:20). Morena ga tlhoke go re tshosetsa gore re mo latele, ebile ga a re tshosetsa, mme o re laletsa gore re tle go ena. O re laletsa gore re bone se a leng sona le mokgwa o a leng ona, re bone botho le lerato la gagwe. O re laletsa bogosing jwa gagwe jo bo sa feleng gore re nne le ena mo botshelong bona le bo bo tlang.

Ke batla go tshwana le ena fa ke gola, ka nnete nka rata. Go se kgale fela Jeso o tla boela monyadiwa wa gagwe a mo fitlhela a ipaakantse. Thato ya

Papa ka rona ke gore re sa nna bafelegetsi ba monyadiwa, mme go nna monyadiwa wa Morena. Gape e seng go etela ntlo ya thapelo, mme go nna ntlo ya Modimo.

Fa re leba dikwalong tsa kgale re bona fa keletso ya Modimo e le go nna le ntlo, e seng fela go pholosa batho ba e leng ba gagwe. Keletso ya gagwe ke go nna le legae, mo a tla phelang fa teng mo lefatsheng le a le tlhodileng. Mo dikwalong tsa Luke 17, Jeso o re lemosa fa bogosi ba gagwe bo se fa kgotsa kwa, mme bo le mo bathong ba ba mmuletseng pelo tsa bona. Ba tlositse dilo tsa lefatshe, dikeletso tsa senama le dikeletso tse di sa siamang mo pelong tsa bona. Re tshwanetse go nna bao ba diretseng Jeso lefelo mo pelong tsa rona (Johane 8). Ke ona mokgwa wa kereke, e leng mmele wa keresete.

Jeso ga a tla go tshwarela dibe fela, le fa tshwarelo ya Modimo e le ntle. Gape ga a tla go re dira gore re gopole dithuto tsa gagwe fela. O tlile gore re kgone go phela Bophelo bo a bophetseng, go nna le botsalano le Modimo Ntate jaaka Jeso a nale botsalano le Modimo. E seng gore re phele, re swe e be re ya legodimong, mme gore re nne le botsalano le Papa wa rona, jaaka re le bana ba Modimo. Jaaka dikwalo di tlhalosa; morena o tlile gore re phele mo, “matleng a botshelo jo bo sa feleng,” gore re kgone go itemogela botsalano le botshelo le lerato la Papa le bana ba Modimo jaaka Jeso a dirile. Go “pholoswa” ga se bokhutlho ba leoto, mme ke tshimologo ya go tsamaya le Modimo.

Jaaka tsalo ya Jeso, tsalo ya rona e ntshwa, ke tshimologo ya botshelo bo Modimo a batlang go bo bonagatsa go rona. Ke tshimologo ya molaetsa o Modimo a batlang go o bonagatsa mo go rona .(Bakolose 1:26.29, Bagalate 4:19, Johane 7:38) Keletso ya gagwe ke gore Keresete a agege mo go rona, le gore rona batho ba gagwe, re leng Monyadiwa wa gagwe le ntlo ya gagwe- re nne botlalo ba kgalalelo ya Jeso Keresete mo lefatsheng la gompiono. Se Modimo a se batlang ga se gore bongwe ka bongwe re bontshe kgalalelo ya Jeso, fela botlhe, mmogo re le batho ba Modimo re nne ponagalo ya botlalo ba botho ba Jeso. Tiro ya dikungo le khumo ya Morena go rona e tlhalosa mokgwa o re phelang ka ona tsatsi le tsatsi jaaka barutwana ba Morena Jeso. Sedumedi le Sekeresete ntse se re ruta

dithuto ka ga Jeso le kereke, lobaka lo leele. Jaanong ke nako ya gore re fete dithutong mme re nne Kereke ya nnete. (Baefeso 3:10, Matheo 16:18)

Re tla nna kereke, mme re phele bophelo ba Morena fa re ratana letsatsi le letsatsi. Re thusana gore re itse Jeso botoka ka go thusana gore re tswe sebeng, re ratana ka nnete ebile re tlhokomelana. Re tlhokomela ditlhoko tsa ba ba ngwe- e seng tsa rona fela. Ke tsona dithuto tsa Morena Jeso. Jeso o phetse bophelo ba maleba mme o re laletsa go phela jaaka a phela.

Ka tsela ena ya lerato monyadiwa o nna montle go gaisa, a ipakanyetsa go boa ga Morena. Re nna bantle fa re ratana go gaisa ka dinako tsotlhe. Fa re tlogela boikgogomoso le go inaganna re le esi, mme re bula dipelo tsa rona, re ikoba gape re nna nnete go botlhe. Mowa wa Modimo le Mohau wa gagwe le lerato la gagwe di tla fologela go rona, mme re tla nna monyadiwa o montle re ipakanyeditse go boa ga Morena Jeso. Sena ke kereke, go tshela ka lerato ka nako tsotlhe, e seng go etela ntlwana ya modimo mme go nna ntlo ya Modimo, go nna lefelo la Modimo, gore Modimo a phela mo go rona.

Magae le matlo a rona, ko ditirong tsa rona le lefelong la kopanelo la rona e tla nna selo sele sengwe. Ga go sa tlhoko go nale sengwe se se re aroganyang, go tswa pelong ya me go ya go ya go. Ga go sana sengwe se se aroganyang legae la me le la gago. Ke tlogela boikgogomoso ba me ,le bopelotshetlha le botshwakga le go sa dumele mme ke rata jaaka Jeso a rata. Fa botlhe ba dira se, go tloga go bannye go ya go bagolo, Jeso o tla tshololela pholo ya gagwe go rona mme re tla nna kereke, monyadiwa yo montle. Jeso ga a tla go re dira matlhajana. O tlike go re naya botshelo jwa gagwe ka botlalo, gore re itemogele bophelo ba gagwe letsatsi le letsatsi mo go rona le mo go babangwe. E seng go bua mafoko a a adimilweng le go opela le go rapela mafoko a sedumedi a a na leng dikolo. Bophelo!

Sarfraz Daimi 2016